



Adresa: **Ul. H. Čemerlića 39A**
71000 Sarajevo
<http://www.voda.ba>

tel. +387 33 726 412
fax. +387 33 726 414
e – mail: info@voda.ba

Broj: UP-1/21-1-40-369-4/22
Datum: 05.10.2022. godine

«Agencija za vodno područje rijeke Save» Sarajevo rješavajući po zahtjevu pravnog lica, JP ŽFBiH d.o.o. Sarajevo - Područje infrastrukture Tuzla, za izdavanje vodne dozvole za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada Objekta za održavanje šinskih vozila – Servisa lokomotiva u naselju Kreka u Tuzli, na osnovu člana 109. stav 2. tačka 1. Zakona o vodama («Službene novine Federacije BiH, broj 70/06») i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), **donosi:**

R J E Š E N J E **o vodnoj dozvoli**

1. Pravnom licu, JP ŽFBiH d.o.o. Sarajevo - Područje infrastrukture Tuzla, daje se vodna dozvola za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada Objekta za održavanje šinskih vozila – Servisa lokomotiva, izgrađenog u naselju Kreka, na zemljištu označenom kao k.č. broj: 1454/1 i 3084/1 K.O. Tuzla IV, grad Tuzla.
2. Vodna dozvola se daje uz slijedeće uslove koje je vlasnik odnosno korisnik objekta dužan provoditi u roku važenja ove dozvole i to:
 - 2.1. Da se opravka vagona i lokomotiva i servisiranje istih vrši isključivo u radionici namjenjenoj za tu vrstu aktivnosti.
 - 2.2. Da se odgovorno vodi proces rada kako bi se smanjila količina ispuštenih ulja, maziva i sl. u toku opravke i remonta vučnih i vučenih vozila.
 - 2.3. Da se osiguraju priručna sredstva za brzu intervenciju u slučaju nekontrolisanog istjecanja ulja, maziva i sl. kako bi se spriječilo moguće zagađenje voda i tla (materijal za upijanje: piljevina, prikladni adsorbensi, odgovarajuće posude, uređaj za pretakanje i sl.).
 - 2.4. Da se posude za prihvatanje opasnog otpada (hidraulička ulja, masti za podmazivanje, sredstva za čišćenje i sl.) ne smiju se ni privremeno odlagati na česticu „vodno dobro“, odnosno u vodotoke i na njegove obale.
 - 2.5. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim u toku procesa rada na predmetnom lokalitetu (adekvatnim mjerama onemogućiti bilo kakvo isjecanje i rasipanje opasnih i štetnih materija na tlo i u vode).
 - 2.6. Da pražnjenje i konačno zbrinjavanje sadržaja iz posuda sa opasnim otpadom može vršiti isključivo pravno lice ovlašteno za tu vrstu djelatnosti, prema posebno sklopljenom ugovoru, te redovno voditi dnevnik o pražnjenju i odvozu sadržaja iz posuda sa opasnim otpadom.
 - 2.7. Da korisnik poduzme sve potrebne mjere da obavljanjem aktivnosti na predmetnom lokalitetu ne dođe do šteta ili nepovoljnih uticaja na vode i vodni režim.
 - 2.8. Da korisnik objekta izgrađene objekte, a čija svrha je prikupljanje, odvođenje i prečišćavanje onečišćenih voda, redovno održava i koristiti na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.

- 2.9. Prečišćena otpadna voda mora ostati u maksimalno dopuštenim granicama definisanim članom 14. Uredbe o uslovima ispuštanja otpadnih voda u okoliš i sisteme javne kanalizacije («Sl. novine Federacije BiH», broj: 26/20 i 96/20).
- 2.10. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.
- 2.11. Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
- 2.12. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine («Službene novine Federacije BiH» br. 52/14) i propisima iz ove oblasti, a na način da se spriječe dospijevanje nafte i naftnih derivata u podzemne i površinske vode.
- 2.13. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- 2.14. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
3. U periodu važenja ove dozvole, Korisnik je dužan provoditi sve mjere i aktivnosti propisane istom.
4. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu za koji se izdaje vodna dozvola, korisnik zaštitnih vodnih objekata nije odgovoran za nastale štete.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. U ovoj upravnoj stvari plaćene su sve upravne pristojbe.
9. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
10. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, JP ŽFBiH d.o.o. Sarajevo - Područje infrastrukture Tuzla, obratilo se ovoj Agenciji dana 21.07.2022. godine sa zahtjevom za izdavanje vodne dozvole za Objekat za održavanje šinskih vozila – Servisa lokomotiva, izgrađen u naselju Kreka na zemljištu označenom kao k.č. broj: 1454/1 i 3084/1 K.O. Tuzla IV, grad Tuzla.

Uz zahtjev je dostavljena slijedeća dokumentacija:

- Punomoć zastupnika podnosioca zahtjeva, broj: 4336/22 od 12.07.2022. godine;
- Kopija Rješenja o upisu u sudski registar, broj: 065-0-Reg-06-000614 izdatog 28.12.2006. godine od strane Općinskog suda u Sarajevu;
- Kopija Uvjerenja o poreznoj registraciji donesenog 07.03.2007. godine od strane Porezne uprave - Kantonalni ured Sarajevo;
- Kopija uvjerenja o registraciji obveznika poreza na dodanu vrijednost, broj: 04/5-1/IV-17-1-5684-1035/05 izdatog 12.11.2005. godine od strane Uprave za indirektno-neizravno oporezivanje Banja Luka;
- Dokaz o uplaćenju upravnoj taksi;
- Kopija Rješenja o vodnoj dozvoli, broj: UP-I/25-3-40-216-8/17 izdatog 21.07.2017. godine od strane Agencije za vodno područje rijeke Save, Sarajevo;
- Kopija Rješenja o okolinskoj dozvoli, broj: UPI 05/2-02-19-5-39/20 izdatog 09.10.2020. godine od strane Federalnog ministarstva okoliša i turizma;
- Prateći/transportni list o čišćenju separatora i odvozu mulja od strane „Kemis BH“ d.o.o. Lukavac, broj: 538-04/18 od 24.07.2018. godine i 337-04/20 od 14.07.2020. godine;
- Radni nalog/zapisnik o čišćenju separatora od strane „EKO servis“ d.o.o. Tešanj, broj: 16/21 od 13.08.2021. godine,
- Izvještaji o monitoringu kvaliteta otpadnih voda urađeni od strane „TQM“ d.o.o. Lukavac.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari. U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-369-3/22 od 29.09.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće: Objekat za opravku i remont vučnih i vučenih vozila, servisiranje šinskih vozila - Servis lokomotiva izgrađen je u naselju Kreka u u Tuzli. Uz objekat je izgrađena i interna benzinska pumpa sa podzemnim rezervoarom za skladištenje nafte zapremin 20 m³.

Remont šinskih vozila (vagona i lokomotiva) obavlja se u zatvorenom prostoru. U procesu opravke i remonta vozila ne koristi se voda. U objektu je izgrađen servisni kanal bez ispusta u kanalizaciju. Svo ulje i mazivo koje se ispušta u toku remonta, prikuplja se u burad, a eventualno rasuto ulje se čisti piljevinom i krpama. Krpe i priručna sredstva koja se koriste za čišćenje zbrinjavaju se u namjenske posude ili burad.

Oborinske vode sa platoa ispred interne benzinske pumpe, a koje mogu biti onečišćene naftom i naftnim derivatima, prikupljaju se zasebnim sistemom kanalizacije i odvođe do separatora ulja i masti. Nakon prečišćavanja iste se preko okna za monitoring ispuštaju u gradski kolektor. Vrš se redovno monitoring prečišćenih otpadnih voda prije ispusta u gradski kolektor. Na uvid je dostavljen Izvještaj o monitoringu kvaliteta otpadnih voda urađen od strane «TQM» d.o.o. Lukavac. Ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

Oborinske vode sa krova objekata sa slobodno slivaju na okolni teren.

Sanitarno-fekalne vode su priključena na gradsku kanalizaciju.

Snabdjevanje vodom riješeno je priključkom na gradski vodovod.

Uvidom u dostavljeni Račun za vodu i odvođenje otpadnih voda konstatovano je da podnosilac zahtjeva plaća posebne vodne naknade za korištenje voda i zaštitu voda JKP Vodovod i kanalizacija d.o.o. Tuzla.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. Dispozitiva rješenja propisani uslovi kojih se dužan pridržavati prilikom korištenja objekta u skladu s članom 116. Zakona o vodama („Službene novine Federacije BiH“, broj 70/06), te članom 13. Pravilnika o sadržaju, obliku, uvjetima, i načinu izdavanja i čuvanja vodnih akata («Službene novine Federacije BiH», br. 31/15, 55/19,

41/20 i 63/22) i odredbama Uredbe o uslovima ispuštanja otpadnih voda u okoliš i sisteme javne kanalizacije («Sl. novine Federacije BiH», broj: 26/20 i 96/20).

Na osnovu provedenog postupka konstatuje se da je podnosilac zahtjeva, JP ŽFBiH d.o.o. Sarajevo - Područje infrastrukture Tuzla, ispunio minimum uslova za izdavanje vodne dozvole za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada Objekta za održavanje šinskih vozila – Servisa lokomotiva, izgrađenog u naselju Kreka u Tuzli, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-369-2/22 od 21.09.2022. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Roksanda Školjić, dipl.ing.građ.

Po ovlaštenju
Rukovodilac Sektora za izdavanje vodnih akata


Haris Ališehović, dipl.ing.građ.

Dostaviti:

- JP ŽFBiH d.o.o. Sarajevo - Područje infrastrukture, Tuzla
Ul. Bosne Srebrene br.51, 75000 Tuzla
- AVP Sava, ISV-vodna knjiga,
- Sektor 50-ovdje
- Sektor 40 – arhiva
- Oglasna tabla AVP Sava-Sarajevo